

「國家社會科學基金重大項目」

何建明

主編

中國地方志
佛道教文獻匯纂

人物卷

(92)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷
(92)



國家圖書館出版社

中國地方志佛道教文獻匯纂·人物卷
湖北省 荊門市

安陸府志

清·張尊德修 王吉人 譚篆纂
清康熙八年（一六六九）刻 抄本

安陸府志卷之二十九

仙釋列傳

古有楊墨今則佛老吾儒殊途目為外道蔓延滋
深天竺蓬島慨彼生民固所難曉傳仙釋

周章家玃玉宇南郡人少好學周幽王微之不出乃
歎曰人生世間日失一日去生轉遠去死將近而
但貪富貴不知養性命命盡氣絕則死位為王侯
金玉如山何益於灰土乎獨有神仙度世可以無
窮耳乃師棄子其受衆術別造一家之法著道書

百餘篇其術以務魅為主而精於五行之意演其
微妙以養性治病消災散禍起飄風發屋折木作
雷雨雲霧能以木瓦石為六畜熊虎並成能分形
為百千人能涉江海含水噴之皆成珠玉久亦不
變或時閉氣不息舉之不起推之不動屈之不曲
伸之不直或百日數十日乃起每與弟子行合丸
泥為馬與之令閉目須臾成大馬乘之日得千里
又能吐氣五色起數丈見飛鳥通指之即墮臨淵
拔符召魚鼈之屬暴岸上令弟子舉眼見千里外

物亦不能久也其務魁時以器盛水著兩肘之間
噓之水上立有赤光起一丈以此水治病病在內
飲之在外者浴之立愈後人崆峒山合丹白日昇
天而去

梅福漢壽春人明尚書穀梁春秋為南昌尉托疾以
休數因縣道上變求假郡侍請上母頤外家而修
忠諫再書不納飄然東歸隱於野中讀書養性優
游自怡忽棄妻子擊折吳市人以為仙莫知所迹
至今郡域有昇仙臺有壻竿表而做漢帝

張楷字公超隱華山嘗跨驢至城賣藥而京山會心
橋乃以楷得名或嘗隱於此

漢童仲永之子世傳母乃天仙俄女故仲生而靈異
數篆符鎮邪怪嘗遊京山之潼泉以其山多蛇毒
書二符鎮之其害遂絕今符石猶在京山之陰

江妃二女鄭文甫常遊漢江見麗服華裝佩兩明珠
大如鷄卵甫見悅之不知其神人也謂其僕曰我
欲下請其佩僕曰此間之人皆習於辭不得忍羅
侮焉文甫不聽遂下與之言曰二女勞矣女荅曰

客子有勞妾何勞之有交甫曰橘是柚也盛之以
筍今附漢水將流而下我遵其旁摹之知吾不為
避也願請子之佩二女曰橘是柚也盛之以筍今
附漢水將流而下我遵其旁摹而茹之手解佩以
與交甫甫受而懷之既趨而行數步視之空懷無
珠二女忽不見

晉葛洪字稚川嘗於富陽紫蓋山穿井煉丹丹成以
鷄試之鷄死自愧取丹器投於井少頃鷄化為鳳
飛鳴天際洪將并板倒索丹器年八十一尸解

名山志

卷二十一

三

胡伯女年十四得道大通四年遊荊州登當陽圓臺

山築室環列羣書獨居七十年後玩解

鄧真人丹成凌空而去遺丹二粒於爐鮑氏姑嫂得而吞之俱昇仙俗傳紫霞觀即其煉丹處也

司馬子微台州人煉丹於內方山有禹仙觀李白云
余昔於江陵見天台司馬子微謂余有仙風道骨
可與神遊八極之表乃著大鵬過海有鳥賦以自
廣

蕭行美沔陽人年九十餘篤行履素常遊漢上過一

老人自稱張先生指草一叢曰移歸栽之可煮鉄
成銀戒之曰切不可泄行美受教遂移草歸臨後
試之果如其言久之語泄一夕大風雨漂失其草
再入山訪之不復有矣

司馬光玉馮翊人唐大厯五年南遊至長林縣盟沐
易服召弟子曰吾其往真都矣遂尸解

張道清郢州人宋熙寧間入九宮山脩真光宗疾台
治之以符水進輒愈修醮夕光景如畫賜號真君
寧宗書欽天瑞慶宮賜之

張元始玉津鄉人好黃老居荆門能隱形易貌凝鉛
煉丹年百一十六歲背力過人將歿人人告別湘
東王愛而奇之遂留其枕

楊道人者不知何許人宋宣政間寄跡於朱司戶家
數年落魄不羈狂飲目如朱未嘗少厭一日酒酣
曰我辭世矣不疾而逝葬之山中後二年朱往京
師忽遇於通衢言笑如舊朱詰其所以不言而去
朱歸啟棺視之則空亟也

明仙人從鉉者字又鉉別號鼎煊安陸人正統八年

母夢湘子入室而生骨相奇偉爲好黃老之術謝
婚聘辭父遊太和山後遊嵩華遇異人授大運藥
丹成雲跡靡定萬曆庚寅郡守阮屏麓自述昔遊
太華偶失路遇公指引見公道貌軒舉問姓氏年
里公曰年百六十矣後聞入華絕域至今不出邇
人傳其事稱奇云

晉遠公大元間偕道於廣福山山前一水曰清溪公
掬以沐頃聞白蓮觀者異之

天台智者姓陳氏荊州茅德里人也少欲雲遊母止

之曰父耳旨誰與供師運慈心指茅為稻水忽化
油師將入寂語弟子曰我滅後有大力鬼神取吾
肉身去汝等當倒誦偈帝兄晝夜守護至第六日
僧徒稍怠假寐忽風雨暴作磬龍視之遂失肉身
蓋闕將軍以神力移歸玉泉云

唐白乳高僧廣明中住彌勒院戒行精專黃巢兵殘
郢復二州脅之不從巢怒殺之乃方加頸白乳
湧出巢大異之後竟為亂兵所害邦人敬禮收其
遺骸為浮屠葬之今龍山報恩寺內有白乳高僧

塔又相傳為蘭臺上石塔是其處也

獨孤標唐天祐中卓庵潼泉山常語人曰侯門获生
當建寺既趺坐而逝留偈曰獨孤標時獨孤標東
西南北無結交生也任他隨緣過死後從他劫火
燒百年果有大洪山主來劫巨刹後為野燎所焚
其言皆驗

大通禪師神秀姓李汴人隋仁壽時偕新之黃梅師
忍禪師居曹溪學者宗之因號南能北秀

大慧禪師忠夏南陽人一行禪師之師七歲日誦萬

安陸縣志

卷二十一

六

言得法於玉泉之景洪結廬三十年號蘭若和尚
巨方安陸人也姓曹氏幼稟業於明福院朗禪師初
講經論後參禪會及造北宗秀入室侍對應機無
夾尋至上黨寒巖居焉後於五臺山開化二十餘
年示寂塔本山

承皓荆門玉泉僧也依大力院出家後遊方參北塔
發明心要得大自在三昧製犢鼻褌書歷代祖師
名字乃曰惟有文殊普賢較些子且書於帶上故
叢林目為皓布褌師示寂門人圍繞師笑曰吾年

八十一老死昇屍出兜即齊著力一年三百六十
日言畢而逝

全歲郢州巖頭僧少禮青原誼公落髮往長安寶壽
寺稟戒習經律諸部優游禪苑一日賊大至責以
無供饋遂刺刃焉師神色自若大叫一聲而終聲
聞數十里門人後焚之獲舍利四十九粒衆為建
塔謚清嚴禪師

警鉢郢州大陽山禪僧江夏張氏子依智通禪師出
家十九為大僧聽圓覺了義講席無能及者年八

十嘆無可以繼者遂作偈并皮履布直裰寄浮山
遠禪師使為永法器天聖五年七月十九日陞座
辭衆示寂塔於本山

五代知節禪師元大德間海會寺住持開運中結廬
荆門西山荆南高氏出師攻伐道由荆門知節告
以成敗志驗師還乃伐藤為床以為知節節母荷
笠下山即雨雪驅猛虎與之並遊結廬潭上蛟龍
避焉

天皇道悟師初居紫蓋山學徒依附都人嚮風連師